

Forficulidarum species novas,

descripsit W. N. Rodzianko in Poltawa (Russland).

1. *Labidura distincta* mihi.

♂ *ignotus*.

♀ *satis magna, fusco-castanea, ex parte testacea. Antennae fusco-testaceae, articulis 27 instructae; articulo tertio duobus sequentibus unitis parum longiore. Caput subtus testaceum; supra fusco-castaneum, nitidum, suturis distinctis. Partes oris externae nec non palpi maxillares et labiales testacei. Pronotum fusco-castaneum, nitidum, marginibus lateralibus angustissime testaceis, margine postico subrecto, angulis posticis rotundatis. Elytra pronoto duplo longiora, glabra, nitida, fusco-castanea, postice truncata, lobis deflexis ex parte pallidis. Partes alarum prominulae magnae, fusco-castaneae, marginibus pallidis, indistincte delineatis. Pedes testacei, parce pilosi. Pectus pilosum, testaceum. Abdomen supra fusco-castaneum, marginibus posticis pilosis. Segmenta 3 et 4 haud plicifera; segmentum anale postice paulo angustatum, bituberculatum, margine postico integro.*

Abdomen subtus pilosum, pallidum, disco fusco. Lamina subgenitalis integra, margine postico triangulariter producto, angulo obtuso, rotundato. Pygidium deflexum, depressum. Crura sive brachia forcipis fusca, basi triquetra, inter se remota; apicem versus obscuriora, subcurvata; margine interno denticulato.

Dimensiones feminae (in spiritu conservatae):

Long.: corporis sine forcipe	21 mm,
" pronoti	2 $\frac{1}{2}$ "
" elytrorum	5 "
" partis alarum prominulae	2 $\frac{3}{4}$ " *)
" forcipis	5 $\frac{1}{2}$ "

Hoc specimen cum forma typica *Labidurae ripariae* Pall. e Sibiria, Tauria et Rossia orientali (coll. mea) nec non cum varietate huius speciei tota castanea**) ex insula Java et Rossia meridionali (coll. mea) comparavi.

Differt habitu, colore et praecipue magnitudine elytrorum et partium alarum prominularum.

*) In ♀ *Lab. ripariae* tantum $\frac{3}{4}$ mm.

**) C. Brunner von Wattenwyl, Prodrömus der europäischen Orthopteren. Leipzig, 1882, pag. 5.

Habitat in Transcaucasia, in districto Dshewat (Engikend) provinciae Baku. Femina unica mense Majo 1894, a Domin. K. A. Satunin capta est (coll. mea).

2. *Echinosoma Bolivari* mihi.

Nigro-fusca. Caput parce nigro-setosum, totum nigro-fuscum, partibus oris externis nec-non palpis maxillaribus et labialibus dilutioribus. Oculi nigri. Antennae totae fuscae, articulo tertio tribus sequentibus unitis aequae longo. Pronotum nigrosetosum, totum nigro-fuscum, maculis flavis vel testaceis nullis. Elytra pronoto longiora, nigro-fusca, nigro-setosa. Partes alarum prominulae nigro-setosae, flavescens, maculis fuscis nullis. Pedes fusci, nigro-setosi, tarsi dilutioribus. Pectus fuscum. Abdomen supra nigro-fuscum, segmenta postica subnitida; subtus dilutius, subnitidum.

♂. *Antennae articulis 20 instructae (sine dubio mutilatae). Pygidium deflexum, depressum. Crura sive brachia forcipis fusca, supra nitida, basi inter se valde remota, valde curvata, apice acuta.*

♀. *Antennae articulis 23 instructae (forsitan mutilatae). Pygidium in dentem obtusum productum. Brachia forcipis obscure-castanea, nitida, basi subtrilateralia, inter se remota, parum curvata, apice acuta.*

	♂.	♀.
Long.: corporis sine forcipe	circiter 13 mm,	circiter 13 mm.
" pronoti	" 1 ² / ₃ "	" 2 "
" elytrorum	" 3 "	" 2 ² / ₃ "
" partis alarum pro-		
minulae	" 1 ¹ / ₂ "	" 1 "
" forcipis	" 1 ² / ₃ "	" 2 ¹ / ₂ "

Hanc speciem novam cum speciminibus *Echinosomatis sumatran* de Haan ex insulis Philippinis (coll. mea) et *Echin. afri* Pal. de Beauvois ex Africa occidentali: Stanley Pool (coll. mea) nec non cum descriptionibus *Echin. Wahlbergi* H. Döhrn et *Echin. insulani* F. Karsch*) comparavi.

Differt praecipue distributione colorum. Patria: insula Madagascar (coll. mea et Domin. Ign. Bolivar).

Nomen dedi in honorem viri doctissimi et orthopterologi illustrissimi, Profess. Ign. Bolivar.

*) Dr. F. Karsch: Eine neue Forficulide Madagascar's (Ent. Nachr. XI, Nr. 21, Berlin, 1885, pag. 323—324).

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Zeitung](#)

Jahr/Year: 1897

Band/Volume: [16](#)

Autor(en)/Author(s): Rodzianko Wladimir Nikolaevitsch

Artikel/Article: [Forficulidarum species novas. 153-154](#)